

Հ Ա Շ Վ Ե Տ Վ ՈՒ Թ Յ ՈՒ Ն

1. Անունը, ազգանունը՝

Վաչե Տերտերյան

2. Ձբադեցրած պաշտոնը՝

ՀՀ ՏԿԵ նախարարի տեղակալ

3. Գործուղման վայրը և ժամկետները.

Վրաստան (Ախալցխա), 2022 թվականի հոկտեմբերի 17-ից 18-ը

4. Հրավիրող կողմը.

Եվրոպայի խորհրդի Երևանյան գրասենյակ

5. Գործուղման նպատակը (աշխատանքային ո՞ր խնդրի լուծման համար էր նախատեսված գործուղումը).

Մասնակցություն «Անդրսահմանային համագործակցության առաջնորդության ակադեմիայի» երկրորդ փուլի բացման արարողությանը:

6. Քննարկված թեմաները.

- ✓ անդրսահմանային համագործակցությանն ուղղված նոր նախաձեռնությունների մշակում,
- ✓ միջսահմանային համագործակցության ընթացակարգերը և օրենսդրական դաշտի հնարավորություններն ու բացթողումները,
- ✓ հիմնական շահագրգիռ կողմերի ներգրավումը անդրսահմանային համագործակցության գործընթացներում,
- ✓ հանրային ծառայությունների արդյունավետությունը բարելավելու նպատակով արդյունավետ թիմային աշխատանքի խթանում,
- ✓ կազմակերպության մշակույթի բնույթը և նրա դերը կազմակերպության գործունեության մեջ,
- ✓ սցենարների պլանավորման կիրառում անդրսահմանային համագործակցության գործընթացներում,
- ✓ անդրսահմանային համագործակցության գործընթացների ռազմավարական կառավարում:

7. Հանդիպումները, ելույթները, բարձրացված կամ քննարկված հարցերը.

Եվրոպայի խորհրդի անդրսահմանային համագործակցության Առաջնորդության ակադեմիայի դասընթացի երկրորդ փուլի բացման արարողությանը ներկայացված ելույթով կարևորվել է դասընթացը, որը

հնարավորություն է տալիս հիմքեր ստեղծել ավելի խորը համագործակցության համար, ակտիվացնել շփումները Հայաստանի և Վրաստանի սահմանամերձ համայնքների տեղական իշխանությունների ներկայացուցիչների միջև, ապահովել փորձի փոխանակում՝ փոխադարձ օգնության մեխանիզմների մշակման, համայնքներում առկա խնդիրների վեր հանման ուղղությամբ:

Հանդիպում է տեղի ունեցել Վրաստանի տարածաշրջանային զարգացման և ենթակառուցվածքների նախարարի տեղակալ Մզիա Գիորգոբիանիի, Սամցխե-Ջավախքի մարզի նահանգապետ Բեսիկ Ամիրանաշվիլի և Ախալցխայի քաղաքապետ Իրակլի Լազարաշվիլիի հետ: Հանդիպման ընթացքում քննարկվել են անդրսահմանային համագործակցության, ինչպես նաև տարածքային կառավարման ոլորտում ֆինանսավորման և ջրային կառավարման հետ կապված մի շարք հարցեր:

8. Հանդիպման կամ հավաքի ժամանակ ընդունված որոշումները, պայմանավորվածությունները, ստորագրված փաստաթղթերը.

Հանդիպման ընթացքում պայմանավորվածություն է ձեռք բերվել Սամցխե-Ջավախքի նահանգապետի պատվիրակությանը հրավիրել Հայաստանի Հանրապետություն, մասնավորապես Շիրակի մարզ, և մի շարք հետաքրքրություն ներկայացնող ոլորտներում կատարել փորձի փոխանակում:

9. Առաջարկությունները, դրանց ընթացք տալու վերաբերյալ առաջարկները՝ եղանակը, ձևը, ժամկետները, պատասխանատուները, ակնկալվող արդյունքները.

Ինտերակտիվ քննարկումների միջոցով դասընթացի ընթացքում վեր են հանվել համայնքներում առկա խնդիրները և որոշում է կայացվել շարունակել աշխատանքները ծրագրի շրջանակներում:

Առաջարկվել է Վրաստանի Սամցխե-Ջավախք նահանգի և ՀՀ Շիրակի մարզի միջև ստորագրել համագործակցության փաստաթուղթ:

10. Ստորագրությունը, ամսաթիվը



20.10.2022 թ.